

sed unum alterum mirifice illustrat & commendat.

PROPOSITIO TERTIA

De æquilibrii moralis constitutione in conversione.

Primum *fidelitatis* stamen exurgit in seria contritione, ac sollicita spiritualis ac æternæ salutis cura, eaque fit salutarise *fide*, ex Evangelio concepta.

ILLUSTRATIO.

1. Quemadmodum, sine ullo genuino peccati sensu esse, character est hominis Epicurei, qui de salute sua, quomodo ex corruptione, & e miseria sua ad eam emergat, nequaquam est sollicitus, quo animi statu nihil sane erga se ipsum esse potest infidelius: sic serio de universo peccati statu ratione sui esse contritum, ac de ejus emendatione sollicitum, initium est istius curæ de salute sua propriæ, quam merito *fidelitatis* nomine appellamus.
2. Hæc autem *fidelitas* genuina ac salutaris non est, nisi omnem suam *ἐνέργειαν* ratione restituendæ salutis accipiat ex *fide*, seu fiducia; utpote per quam, tanquam spirituales animæ vitam, homo e peccatorum morte ita refurgit, ut jam tum in hac ipsa vita salutis, quæ æterna est, particeps reddatur.
3. Qui in conversione contritionem, maxime propriam
illam.